

Jekabaara



World Vision

Gikala ceman nla musoman kunnafonisaban

a be ba kalo o kalo

Jamana baarada la BP. 2043 Bamako (Mali)

Kalo ladiliyan ka jesin CMDT koorissenew ma

ne 3nan

Dantigelikan

Nin ye jekabaara boko 200 nan ye aw bolo. O be ben san 16 ani kalo 8 de ma. O ye waati jan ye adamadenya taabolo la, hali na te bennin si bo dijenatige kuntaala kono. Kalo 200 kunnafisben ka tariku la, o ye alataanuko ye. Ni duh y'a ye o ye nsoro, o tara bsn ni nognifaamu, ani nognihaklinadon de la jekabaara temesiraw bce tigilamogow ni nogon ce : A dilanbaarada (Jamana), a labaarabagaw (CMDT, World Vision...), a sebenbagaw n'a kalanbagaw (olu minnu fana y'a labaarabaga tigiyiye). Ton ts san soro juruk. Ni nin sera ka waleya tan, o foli ni taanuni ye CMDT la ye, ale min ye jekabaara kokorodon ne bce ma, ka bi san 1986 zanwuyekalo, fo ka se bi ma. Aa, CMDT ye nangara donbagaba ye jekabaarako la dere. A ni foli ni walenumandon.

Nine tera ke World Vision fana ko, ale min fana y'i wasa don jekabaara kunnafisben na, ka bi san 3 fo bi, a ka mogow ka kalandafagateko ni kunnafisbenko siratige la. O bec temenek ko maa o maa, jekulu o jekulu ; baarada o baarada min y'i wasa don jekabaara la, an bio bce fo k'u taanu. Nin bee ni san ce, ani be. Ala fo haali ani ka je k'a deli a k'an to nogon bolo nin jigiya kono, kalo 200 caman were kanma.

Tumani Yalam Sidibe



Bla CMDT cikckafo lahalaw

ne 4nan

Baara be senna World Vision ADP la Koloni

ne 8nan

Malidenw ye peresidan kura sugandi

ne 6nan

"Kalan be mogoson hakili la, nka kunnafoni be mogoson kunpan na". Yoro Ulen Sidibe

Koɔri sannifeere taabolo



Dawuda
Mace Dasso

Boko temenén kōn, aw ye koɔri sannifeere lahalaw sɔrɔ, ka se awirilikalo tile 10 ma san 2002. An be taa ne nin yɔrɔ in na, n'o k u n n a f o n i kelenw ye, minnu be tali ke o lahala kelen kan, fo ka se awirilikalo tile 20 ma, san

ka kalo ladilikanw kalan ne 2 ni ne 3 kan, ani ku faamuya O de b'a to u ni anw bɛe be nafa caman sɔrɔ koɔriko in na. U ka kalo baara koɔlenw waleya a nema, ani ku laben ka koɔriforo ladonbaara tɔw waleya u waati la. Kalo o kalo, an ka jemukan bɛna tali ke kalo baara kɛtaw kan. nɔgɔko ni furajiko, fo ka se baara nafama wrew ma, minnu waleyali b'an ka sɔrɔ sankɔrɔta. Aw bɛna sannifeere kunnafoni

CMDT cikemaraw	Tɔni sɔrɔta hake bolodalen	Tɔni sɔrɔta hake sannen	Kemetylada	Kɔɔsiliw
Fana	105 000	59 495 861	57	
Buguni	98 920	59 526 220	60	
Sikaso	107 010	65 654 253	61	
Kucala	150 000	113 039 569	75	
San	57 050	46 267 115	81	
Kita	36 520	33 897 151	93	
CMDT ka hake kuuru	55 4 500	377 880 169	68	
OHVN ka hake kuuru	38 148	21 840 854	57	
Mali ka hake kuuru	592 648	399 721 023	67	

2002.

Nin baara in kekun y'an fe de wala- sa cikelaw yere ka bɔ koɔri sannifeere lahalaw bɛe kalama. Nk'o n'a ta bɛe, an b'a nini cikelaw fe u k'an

minnu sɔrɔ katimu in kōn, aw bɛna o nɔgɔn wrew sɔrɔ boko nata kōn sannifeere kuntaala tɔ kan.


**Dawuda Mace Dasso
CMDT Kalafakuntigi**

Fana CMDT cikemara lahalalitaw

San 2002 mekalo tile 20, Jekabaara ni Fana CMDT cikemara nemaaw ye nɔgɔnyew ke. Ka da kunnafoniw nafa bɔnya kan, aw bɛna boko kerenkrennen sɔrɔ Fana CMDT cikemara kan zuluyekalo la. Sanni o ce, an ka foli berebere be ka nesin an balimake Modibo ye, ale min ye Arajo Koɔnbada nemaaw ye. A yere ni boleminen bɛe y'an deme hali baara in waleyali la.

Hakiliseneke

Maa te ke maa bɛre y'i yere ko. Maa te ke maa lankolon y'i yere ko. Fen o fen be maa kun, o finsigiko man kan ki kamanagan. Fulamuso ye nɔnɔ suma n kun, a galama de y'i diya dɛrɛ !



Tumani Yalam Sidibe

Kalo ladilikan, ka nesin CMDT ciklaw ma

Zan Dosayi Jara ye CMDT senekoko feerew tigeda baarabolo kungi ye Bamako. A ka baara bennet be ciklaw ka baara netaasiraw boli ma cike dakun na, CMDT faaba la Bamako. O de kanma, an sera a ma ni nininkaliw ye kalo ladilikan siratege la.

Jekabaara : An jenogon Zan Dosayi Jara, yali i be se ka kuma an ye seneko lahala kan, CMDT kono bi wa ?



Zan Dosayi Jara : N bëna dō fo koɔriko kunkan. A be san damado bo, an y'a ye ko koɔri soro ka dɔgɔ tari la. Soro hake t'an nimisiwasa. An ni nininkelaw ye hakilijagabo k'a ko la. An nana a ye ko geleyanin dō be yen, n'o ye koɔrikuru soro hake ye tari la, min be taa hake 80 000 nɔgonna na, an ka hake soro b'o jukɔrɔ kosebe. N'i y'a jatemine, i b'a ye ko teme te ke koɔrikuru hake 50 000 kan tari la, CMDT kono. O temenent kɔ fana, geleya wëre be yen. O koɔriju 50 000 ni nɔgɔnce furance hake fana labatolen te. Hali fen min ye dannidinge kelen kono koɔrisun hake ye, i be t'a soro o fana batolen te. A ka kan ka ke 2 ye dingue kelen kono. Nka i be t'a soro 3 fo 4 be dingue kelen kono. O bee de bëna ni geleya ye. Ni koɔri wulila, u be nɔgon fiye. O taabolo la, i b'a ye de k'i ka koɔriforo falen don. Nk'a tēna den ke. Ni koɔrisun cayara nɔgon kan, u be nɔgon tige. Hali den folo minnu ka kan ka ke, o waati be teme dɔoni. An yere ka jatemine na, an y'a ye o soro mun fe ? A be soro dannicogo fe. N'i ko i ka danni k'a nema, f'i k'a ke ni dannikemasin ye, n'an k'o ma "Semuwari".

O temenent kɔ fana, bee b'a dōn k'an be jikogelaya waatiw la. Mɔgɔw dun hakili sigilen te jikogelaya waati la. Sanni an k'an sigi, ka sumaya makonon walasa ka labur ke, ni jinin soro doron,

ka forow negin doɔnin, mɔgɔw be wuli. O man kan. An be min jini mɔgɔw fe, o de ye u ka sumaya waati makonon walasa ka labur ke. O be ke walasa geleya kana soro danni keli la ni dannimasin ye.


Geleya filanan ye mun ye ? An y'a ye ko yɔro caman na, mɔgɔ caman te danni ke ni "disiki" ye masin na. U yere t'a dōn ko koɔri danma disiki be yen. O disiki ye wo 15 walima nin 15 de ye. Cikela caman dun be yen minnu be koɔri dan ni malo walima tiga danni disiki ye. O dun be koɔrisi bon doron, i n'a fo i be ka malo dan. N'a nana fo k'e k'o fara ka bo nɔgon na, fo ka se santimetere 30 la koɔrisunw ni nɔgon ce, bee te se k'o baara ke. K'a fara k'a to to koɔriju 2 ma danni dingew kono, o fana ye baara geleyen ye. O de kanma an b'a jini senekelaw fe, u kana kɔrɔtɔ. Ni sumaya dara waati min, u k'u ka baara ke. N'u ye labur k'a nema, o be danni nɔgɔya. N'u be danni ke fana, u ka koɔri disiki don, n'o ye disiki wo 15 walima nin 15 ye. An yere ye feerew sigi sen kan jinan. Disiki wo 15 dō be dilan CMDT cikemara kelen kelen bee kono, k'a feere senekelaw ma. A be se ka ke senekela bee tēna se k'a soro jinan. Nk'an ka lajini de ye san nataw, u bee k'a koladon, walasa ka geleya nɔgɔya koɔri danni na.

Dannikemasin bolen ko yen, a ka ni senekela k'a ka baarakeminet bee laje saminedonda fe. Ni fijen b'a min na, k'o laben. An kana an jo fu labaaron, walasa k'a fo "aa nin yɔro ma dafa n ka sari la, walima n ka dannikemasin na." A ka kan de ni samijen sera doron i k'i ka minenw kelen kelen bee laje walasa k'u tijenimayɔrow laben ka kɔn

u labaarali waati ne. I be sumansi mara cogo min na, i ka kan k'i ka minenw bee fana mara o cogo la. O be cogo min na, senekenturaw fana b'o cogo la. Olu jɔda ka bon cike la haali, bi-bi in na. An k'an hakili to u la. Sanni samijenji ka bin, an k'a dōn ko kɔngɔ t'u la, minogɔ t'u la, awa bana fana t'u la.

O bolen kɔ yen, walasa koɔri soro be se ka yelen tari la, f'an k'an fanga digi farafinnɔgo kan. Dōw be yen, u be farafinnɔgo dilan. Nka, k'a ce ka ke foro la, o ye geleyako ye. A dilanni yere mageleya be dōw la fana. An b'a jini senekelaw fe saminedonda in na, minnu sera k'u ka farafinnɔgo dilan, u k'a bee lase foro kono. U kana a ke an b'a funfun foro kono ten ye. N'i ko i ka nafa soro farafinnɔgo la, i man kan ka dese toni 5 la, tari la. N'i sera k'o hake don foro la, o ni tubabunɔgo be nɔgon dafa. A be dugukolo mana segin a ma. A b'a to i be nafa ye i ka tubabunɔgo donta la. Nka, n'i y'a to tubabunɔgo doron ma, san dōw la, hali n'i y'o donta hake nɔgon fila walima saba don i ka foro la, a te mako ne a ma. Bawo, ale te se ka bila farafinnɔgo no na. Nin ladilikan kologelén de tun b'an bolo ka lase senekelaw ma, saminedonda in na. Waati wëre la fana an be taa ne ni ladilikanw ye walasa an ka tari soro be sankorota koɔri la. N balimake Sidibe, k'an ben boko wëre.

Kolɔsili : boko nata kono Zan Dosayi Jara ni Sumare bëna kuma aw ye furakeli kan.



Bla CMDT cikékafo lahalaw ka bo Fatogoman Tarawele yor

An ka Sikaso taasira kan, an ye moçobø ke ka waati ke Bla. Su kelen ni tile kelen. O waati kuntaala surunya n'a ta o ta, a ker'an bolo bolofako ye kunnafoniko siratègè la. An ni Bla cikékafo CMDT nemaaaw ye barodasigi ke. Bla "Sikowu" (SYCOV) nemaa yere sen yera o barodasigi la. Nin yoro in na aw bëna maa naani de ka kòrofow kalan.

Bla cikékafo nemaa Fatogoman Tarawele ko di ?

Ni jekabaara sebenbaga sera an ma yan bi sogomada in na, o te dowerè ye anw bolo nisondiyako ko. Fen min ye CMDT cikékafo selen ye Bla, o waati ni bi ce furance ka jan. Nka, min ye ne yere selen ye yan cikékafokuntigya hukumu kono, o kéra san 2000 Zanwuyekalo la. O san sabanan daminenen file nin ye. Sanni an ka taa ne ni barosen ye, a kafisa an ka Bla sigicogo fo.

Bla cikékafo sigicogo :

A sigilen be Segu körönfe.

A ni yoro minnu be danbo, olu file : konobugu cikékafo ; zizana gara komini, Npésoba cikékafo, kuca layanfan fe ; Yangaso cikékafo, san cikemara kono.

Komini 8 de be Bla cikemara kono. Olu ye : Tuna komini ; jena komini ; cemena komini ; nala komini ; Bla komini, Pégene komini, ani somaso komini...

An be don min na i ko bi, geleya caman de be Bla cikékafo kono. Fen min ye ciké yere taasira geleyaw ye, o folo-folo ye senekedugukolo yere mana banni ye, ka masoro u seneko jugu fe. O dugukolomanaban te na ni fen wère ye an ka soro dögoyali ko. O temenen ko, fen min ye adamadenya yere taabolo ye, n'o ye ben sabatili ye mögow ni nogon ce, do be ka bo o fana sabatili la. O benbaliya mögow ni nogon ce, o bëna ni geleyaw ye an ka "Awew" n'an ka ton wère kono. Fen min ye yiriwa yere taabolo ye, ni kalan y'o sinsinnan folo ye, an y'a kolosi k'o kalanko be ka segin ko. Fen min ye balikukalan ye, o min ye "Awew" sinsinnan folo ye, an y'a ye ko do be ka bo o kalanden joolenw hake n'u ka donta la. An y'a ye ko senekeyorow yere be ka yiriwa ka taa a fe. O be ka ke bagangenyorow

hake dögoyali sababu ye. Nin geleya danmado ninnu de be Bla cikékafo kono bi-bi in na.

Bla cikékafo labencogo :

Zayeri 18 de be Bla cikékafo kono. Lakoliden kelen b'o kelen-kelen bës kunna CMDT togo la. Fen min ye sanjiko ye, Bla cikékafo be sanjiba nayoro ni sanji fitiinin nayoro furance de la. O kanma sanji nata hake cayalenba b'a damine milimetere 600 la ka se milimetere 1000 ma. O sanji fana nacogo te kelen ye cikékafo fan bee fe. Yoro dòw ta hake ka ca ni yoro dòw ta ye. Bia dugukolo ye cendugukolo ye. San temenen in jateminew y'a jira fana ko geleya danmadòw be yen, minnu y'an ka cikékafo soro. A folo kera dòboli ye an ka cikékafo yere kundama na. yoro dòw bora a la, ka di yangaso mara ma. Jemeni ani Duguwo tigera ka bo an ka cikékafo la. Fen min ye samine temenen ye, sanji konna ka na. O y'a to baaraw daminenen joona. O yere kanma koorisene sera ka sabati. Ka fara koorisene kan, senefen werew be yen minnu be ciké kosebe an bara. Olu ye : kaba ; no ; malo. Fen min ye nzeresene ani filensenye, olu yiriwalen don Blan kosebe.

Fen min ye baara yere taabolo ye, an b'a ninina sisan ka fura soro geleyaw la. O furakojenjiniw la, an y'a laje ka "APC" sigi sen kan, an ka Awew kono geleyaw kanma. Ka se bidon in ma, APC 20 nogon yamaryasebenw b'an bolo, dùgumögow be taa u bolono bila olu la walasa an ka o APC sigi sen kan.

- Fatogoman Tarawele ko di Blan sigibaga siyako la ?

Bla ye bëndugu de ye. Siya damadama be soro Bla. Olu ye jonkaw ye (a barikamaw). Minankaw, ni bòbow; ani kadòw, fo ka se fulaw ma ani maraka jagokelaw. Fen min ye adamadenya yere taabolo ye, Bla mögo hake be berema bo. Bla cikeda hake be se 6895 ma. N'an y'o hake sigi kulu ni kulu, an be se nin jatew ma :

Cikela minen dafalentigiw (kulu A). O ye maa 3 057 ye. O be ben cikédahake 29 % ma. Fen min ye kulu filanan ye (kulu B), o ye cikelaw ye minnu be daba kelen dafalen siri,

O hake 3 317 be soro an ka cikékafo kono. O ye cikeda kemetilada 57 ye (57%).

- Cikela minenntanw, walima minen yere tu bolo, o hake be se 609 ni k'o ma, O ye cikeda 18% nogon ye.

Fen min ye masinnabaara taabolo ye, o ma yiriwa an fe yan folo. cikeda fila de be yen masin be minnu bolo CMDT ka baara siratègè la an baara. Dakurunjé kelen na, an be se ka min fo cikédaw kan o ye nin ye. Nka, fen min ye cikékafo yere jama-ko ye, Bla maa hake kuuru be ben 128243 de ma.

- Bla cikékafo kuntigi ka welekan kerékerénen ka nesin a ka cikelaw ma.

N b'a jini mögow fe halibi u k'u hakili jagabo ka nesin geleya kofolenw ma. O be damine ciké yere taabolo la, n'o ye kónkawuli ye, ka foro baaraw damine joona. U k'u hakili to o ni nogoko la walasa samine kana an ta an tègè ma. Sena taasira bôlen ko yen, ladilikan caman wère b'an bolo an da be se minnu ma cikelaw ye u waati la. Nka o t'an bali ka ladilikan gelén f'u ye min be tali ke kooriforo dannisiraw taasirako la. Ka da fijné nacogo kan, o siraw ka kan ka ci tilebin ani körön. O be koori furakeli yere nogoya. Fen min ye koori boli n'a marali ye ka ne, an y'a ye ko geleyaw b'olu fana na an ka cikékafo kono. Koori bocogo n'a lamaracogo de bëna n'a kalite lagosili ye, o de nana ni kalite filananw soro y'an ka mara kono ninan. u k'u jija ka koori bo joona a bòtuma na, i n'a fo an b'a jini u fe cogo min na. N'u y'a bo u k'a bila fijné na, k'a lamara ka ne.

- Kalanko be cogo di Bla ?

Fen min ye kalan taasira ye, n'y'a jira ko baara yere dulonnen don kalan de la. Don dòw temena, Balikukalan tun yiriwalen don Bla kosebe. Aweko yere fana tun be ba la. Nka, an be don min na, i ko bi, an y'a ye ko o kow seginna ko kosebe, fo ka se tile 45 kalanw ma. N'an y'an ka dugu kuuru ta, i be taa a soro ko n'i ye duguw sigi 100 sere la, i be taa a soro 50 t'o kalanden telin in ke. O be ke sababu ye ka kalanden joolen hake dögoya. O temenen ko, kalanden joolenw ka kan ka baara minnu

ke, n'o ye forosuma ani peseli kalanw ye, fo ka se sannifeere kalanw ma, an y'a ye ko n'i y'olu boloda duguw kono, o kalanden bolodalenw, i b'a soro olu fanba be taa tunga fe. O b'a to an t'an sako soro a la, hali ni maa kelen-kelenw be yen minnu b'a kalan ke.

N be kuma laban min fo, o de ye ko an dusu sumana jekabaarako la bi. Salon ni salonnasini, jekabaara tun be fo a waati ko an bolo fo waati jan. An y'o fo an ka jemaaw nena. Cikan ma dan sira la, barisa an be jekabaara soro a jema an'a waati la bi bi in na, fana, feew tigelen b'an bolo walasa a ka kon ka se a kalanbagaw ma. An be don min na i ko bi, jekabaara be se an ma a waati la. A be kalan a waati la fana. Fen min y'a kono kunnafoniw fana ye, an b'a jini aw fe, aw ka se an ma ka caya k'an kumanogonya, walasa an ka cikelaw be kunnafoni lakikaw soro baaraw taasira kan : forolabenw, nogow doncogo ani furaw k'ecogo ; Awew ni APC taabolo ani kunnafoni wrew, minnu be dugumaaw nafa kosebe.

Kuma kuncé ka bo nininkalikela yor:

O baara o te taa an be ka wulikajo ko. I yere da sera a ma, jekabaara tun be bo a d'gokoro tuma be. Nka seben jekuluw fana tun sigilen don cikekafo be kono san temenenw la, minnu tun be sebenniwe k'u ci jekabaara ma. Fo an be de k'a faamuya ko jekabaara ye cikela cema n'a musomaw de ta ye, CMDT fana de ta don ka fara jenogonsira tow be kan. Anw ta ye kunnafoniw jinini n'u sebenni ye. Nka, aw jemaaw fana ka kan k'a jini aw ka baarakelaw n'aw ka cikelaw fe, u ka sebenniwe k'u toglakow kan k'u ci an ma. O be fisaya, ka masoro maa w're kumana i kan cogo o cogo, a t'i yere ka folen bo i yere kan.

Fen min ye ka taa maraw kumanogonya, o bena k'an taabolo ye. Nka aw fana ka sebenniwe k'u ci an ma. Diya fila b'o la : a be cikelaw be bo joggon togolako berberew kalama, a be kalanden joolen yere fana ka kalan diya don a la. Kalan be a labaarakabaga de nafa haali.

Tumani Yalam Sidibe

Nininkaliw ka jesin Bla CMDT cikekafo musow ka jetaa bolodali lajinibaga ma

Nininkali : *An balimamuso e de ka baara jesinnen don musow ka jetaa taasiraw ma Bla CMDT cikekafo kono. I be mun fo an ye i ka baara kan ?*

Jaabi : Ayiwa i komi i y'a fo cogo min na, ne togo ye ko madamu Sonboro Berinadeti Sagala. Ne ka baara jesinnen don musow ka jetaa sabatili ma CMDT cikekafo kono Bla yan.

Nininkali : *I dun be se ka mun de fo an ye o baara taasira kan ?*

Jaabi : Musow ka jetaa sabatili baaraw taasiraw ka ca. Senebaara ni baganmara, ani nakobaara b'a la. Safunedilan ni kalan fana y'a taasira jorjor d'ow ye.

Nininkali : *Yali i be se k'i da se dugu danmadow ma an ye, nin baara ninnu waleyalen be yoro minnu na wa ?*

Jaabi : N'i ye nakobaara ta, o be ke dugu caman na tilema waati la. N be na n da se dugu danmadow ma nakobaara in waleyalen be minnu kono kosebe. A yiriwalen don Jebugu, n'o be Degene Zayeri fe. A yiriwalen don fana Kajala, o be Cecena zayeri fe. Do fana be Cemena gara la, n'o be Konca fe. Duguw ka ca, nka n be dan nin saba ma. Tilema waati la, muso caman jesinnen don nakobaara ma nin dugu ninnu kono. Nakobaara bena ni musow ka musakakow nogoyali ye ani ka yelema don baloko la. Baloko fana bolen ko yen, u be se ka denmisenninw ka fereboko sabati. U be se yere fana ka cew deme nasongoko la. Musaka sorolen be se ka ke sababu ye fana u k'u boloyelema, i n'a fo jagomisennin sirategie la.

Nininkali : *Yali i be se ka mun fo an ye bagan misenko kan, CMDT joyo an musow joyo ?*

Jaabi : Fen min ye baganmara ye, fo CMDT tun be juru don musow la. Musow tun be baganw san, k'u latulo ka feere, ka soro ka CMDT ka juru sara. Nka o juruko lajolen be sisan. Musow yere be baara ke n'u yere ka wari ye. An koni b'u deme ni hakili juman ye, i n'a fo baganw labalocogoko, ani k'u furake. Samine waati la fana, an b'a fo u ka baganw jesigi ni baganbalo ye. N'o baara kera a jema, seli masurunya la, u be saga

ninnu feere ka nafaba soro u la. Baara o be ke cikekafo dugu caman na. A be ka waleya Tuna dugu kono, a be Bengene, a be Gonja. A dugu ka ca.

Nininkali : *I yere tun ye da do fo an nena. I ko CMDT tun be sefawari d'oreme 9000 (bakonoton) juru don musow la. U be sagamuso-fila ani saga jigi kelen san. U b'olu labugun, k'u feere ka CMDT ka juru sara. Yala CMDT juruko bannen n'a ta o ta, a ye muso d'ow bagantigiya wa ?*

Jaabi : I ye d'oreme 9000 min fo nin ye, cogoya fila de tun be baganjuruko in na. Do tun be yen, o tun ye d'oreme 4000 ye. U tun be saga san, k'a latulo k'a feere seliba nekorola la. A filanan ye 9000 ta in de ye. N'o juru dira musow ma, u be sagamuso fila ni sagajigi kelen san, u b'a mara. San fila kono na, juru be sara. Juru saralen ko fe, saga caman be to musow bolo. An ye baara in damine, a be san duuru bo bi. Juruw koni sarala ka ban. Awa bagan caman tora muso d'ow bolo.

Nininkali : *Fen min ye musow ka kalanko ye, yali musokaramogow de be musokalansow kunna wa ?*

Jaabi : Musokaramogow be duguw la, a ka ca. Nka dugu d'ow be yen, musokaramogó te minnu bolo fo. Nka balikukan koni kewaati ye sisan de ye. An be don min na i ko bi, a baaraw daminenen be dugu caman kono. Musokaramogow de be ka balikukan ke dugu d'ow la. Yoro d'ow la, kalan ka di musow ye, nka musokaramogó te yen. Cew be kalan ke musow kun walasa ka kalanden joolen soro u la, olu be kalan karamogoya la, k'u balimamuso tow kalan.

Nininkali : *I file ka jetaabaara minnu fo, olu be waleya yan baarada were fe n'o ye World Vision nye. Yali benkan be World Vision ni CMDT ce Bla yan wa ?*

Jaabi : N file ka baara minnu fo nin ye, baarakeda were b'a ke, n'o ye World Vision ye. U be musow deme nakobaaraw ni balikukan na. An n'u be je ka tonsigiy k'e. Kalo saba o kalo saba, an be tonsigiy k'e walasa min be min fe, o ka fo baarakela tow ye.

A to be ne 10kan

Mali ye peresidan kura soro



Amadu Tumani Ture bëna Alfa nonabila zuwenkalo tile 8 don; san 2002.

An bëe b'a dòn ko ka bi awirili-kalo téménén tile 28, jamana-kuntigi kura sugandili kalafiliw bë senna an bara yan. O wale bëe bë taa kuncé jamana mara gokorow boli la Alfa Umar Konare ka bolo kan, san 2002 Zuwenkalo tile 8, ka don Amadu Tumani Ture bolo, n'o y'an ka sanduuru nata jamanakuntigi sugandilen ye jamanadenw fë. Amadu Tumani Ture, n'ale sihaké bë san 53 la ninan, maa dogonnen t'a ye malidenw bolo. Ale de ye Musa Tarawele ka gerentsfanga dafiribaga ye san 1991 marisikalo tile 26. O kofé, a ye furancefanga kotigiya ke kalo 14 kono. San 1992 zuwenkalo tile 8, a ye fanga latème ADEMA ka cëbo ma, n'o ye Alfa Umar Konare ye, kalafili cë ninw kofé. K'a ta o don na fo bi, a y'i kodon politikiko ma ñe bëe kan, k'i mako don fasodenw ka ñetaasira werew la : sege-lén bana keleli ; lakoisow joli ani misiriw ; ñosimasinw bilali musow ka bolo kan. Ani baara nafama caman werew. ATT (Amadu Tumani Ture) y'a jira malidenw ni dijé maaw bëe la ko maa bë se k'i

faso jo a ñe bërebëre ma, ka soro i te minisiri ye, kuma te jamanakuntigi ma.

Tijé yere la, Amadu Tumani Ture kéra kunnadiya birifini ye, malidenw ma son maasiba fijé ka min kun bo u kan dëre ! O yere de kanma, mëkalo tile 12 kalafili senfë, malidenw y'u kodon birii ADEMA ka cëbo Sumayila Sise la, k'u ka kanhaké fanba di Amadu Tumani Ture ma (% 64 ni ko).

An bë fëna fila de fo Amadu Tumani ye :

1. Ni maa min ko k'i cë ka ñi sufë, dugusé mana je, jama b'i ye !
2. Ni maa min ye adamadenw ka danaya birifini fënsen i kan jiri sanfë ka danabaliya kulusi womato i la, dagumafenw b'u nin bagama bo i la dëre !

Amadu Tumani Ture, i ka jamanadenw b'i ko.

Tumani Yalam Sidibe

Kolosili : Nin sëben in bë k'an fë tuma min, o y'a soro faso sariya-sémentiya kiribonda, m'a ka jaabi di folo. (kuru konsisóneli)

U ko

Cefarinya ni jamatigiya. Jamatigiya de kafisa, barisa maa te se ka farinya ni jama t'i ko.

Jeli Dawuda Danbele
Dënsö jeliké.

— — — — —
Juguya saba ni numanya kelenpe de bë dijé kono : maa majuguya ; yëremajuguya ani walenuman dònba-liya. Juguya bëe b'o saba kono. Ka maa bëe dòn maaya jigiya kono, o de fana ye numanya bëe sindi ye.

Wojuma Koko Samake
ka bo jitumu.

— — — — —
A to, n't'a to, o te laban fën wëre la dijénegetënnna kô !

Lamini Sissoko arajo
“seni de” Bamako.

— — — — —
N'a fora ko maaw yoo, bë b'a bolo körötä.

Bëe dun ko te ! Minnu b'u yëredon olu de ko don. Ni maa y'a yëredon i be ke ton-kan ye maaw bëe bolo.

Jeli Dawuda Danbele

— — — — —
Dijé kono ka dun, nka dan t'a la hakilintaa bolo. Dijé kono ka dun nk'a te misi-këme-wëre fëre bo maa hakilima bolo, barisa ale bë dijé yere nagakörö ten !

Burama Balo
ka bo Tunmanibugu

"Sigi te maa son, wa taama fana be maa don ko la"

Osiratige la, k'a ta awirilikalo tile 30 la, ka taa se mekalo tile 4 ma, jekabaara sebennikela do ye taama ke kucala mara la. taama ye an lase Ntognaso. O ye dugu ye min be Kucala mara la. O taama ye an lase Ntognaso. O ye dugu ye min be Kucala mara la Guwaji-

Kawo komini na.

A ni Kucala ce ye kilomere 40 ye kejekayanfan fe. Taama in kera "world vision" ka lajini kono. O hukumu kono, an ni "World vision" ka kalanko kolosibaga, n'o ye an karamogo Dadugu Kulubali ye, an ni ale de ye nin taama in ke nogonfe Ntognaso n'a lamini na. Taama in jesinnen tun be "world vision" ka baarabolo dugu maaw ma, ka nininkali ke ka jesin "world vision" ka deme sorobaga ma u ni "world vision" ka demejogonya kadara kono. A geleyaw, a nogoyaw ani a nafaw ka fara hakilina werew kan, ani lajini kuraw. O siratige la, an sera dugu minnu na, olu file :

Kajé, Bongoso waara ani Muguyiranni. Nin dugu kofolen ninnu bee be koromo komini fe. O temenen ko, an taara Nizango ni zanigoroso. Olu be Sorobaso komini fe. O ko, an taara Dacen, o be Songo - Duba-kore komini fe. Ka bo yen ka taa Fugonso, o fana be sorobasokomini fe. O ko, an taara kasiyola, o be Guwaji kawo komini fe. A ye dugu laban min ke, o kera kazano ye. Ale fana be Sorobaso komini na. An ye nin taama in ke bonya ni karama ani nogonfaamu kono. An ka taama in senfe, Bintu Danbele ka fo la, min ye kazano musow ka nemaa ye, u ni "world vision" ka jenogonya nafa te se ka fo ka se a dan na. O temenen ko,

Tijani saara min ye kazansokaw ka balikukalanko kolosilijekulu nemaa ye, ale ko Kucala mara la, "world vision" ni dugu o dugu be baara ke nogon fe, olu ka yiriwali nogoyara ka ban. Fen min ye kasiyolakaw ye, olu ka karamogo jolen 2 n'o ye Madu goyita ni Musa goyita ye, olu y'u ka nisondiya jira an ka taama la ka se u ka dugu kono. Ka d'a kan, kabini olu ye jekabaara soroli damine "world vision" ka yamaruya kono, an tun ma se olu ka dugu kono kuma nogonya kanma. O tuma n'a sera yen, kuma were t'olu fe foli ni tanuni ko. Fen min ye Fungosokaw ye, Dirisa Danbele min ye yen dugutigi ye, ale ni Ali Danbele fana y'u ka nisondiya jira an ka taali la u ka dugu kono. Dacen dugutigi Ali sogoba fana y'a ka nisondiya jira. O temenen ko, Zanikoroso dugutigi Lasine Danbele fana da sera u ni "World vision" ce baaranogonya nafaw ma minnu kera sababu ye ka dugu yirawa.

An ka taama ye an lase dugu o dugu la Kucala mara la, an ka foli ni walenumandon be ka jesin a dugu kelen kelenna bee lajelen dugutigi n'a ka dugudenw ma



Kasiyola dugutigi

jeckabaara nemayaso ni "world vision" nemayaso togola. O hukumu kono, an be jekabaara kalanbagaw ladonniya, k'a damine zuwekalo la, aw bena "world vision" ka A.D.P. min be kolonni mara la, ka kunnafoniw kalan Jekabaara kono an ka boko nataw la. O tuma, a y'o bokow mamine nonte aw be nimisa de ! Ala k'an kisi o ma.

Yusufu Fane Jekabaara ka ciden Ntognaso Kucala mara la

daamu-seleke-konona

Don do la numuke kamanagannen n'a kunko ye, a ye kelennataama ni kelennamiri dadon. A selen jiri do koro, o y'a sor a dabali yere bannen be sa pewu. A y'i kanto ten ko : Ee Ala ! o y'a sor faatke do dalen be jiri o jufe. O girinna ka wuli, k'a jaabi ko : Ne Ala file i koro ! i ko di ?

Bakari Sangare

Jamana gafedilanyoro

Bamako.

Kunnafoni nafama

An tun y'a lahidu ta aw ye boko temenen kono, k'aw bena keleya CMDT Zayeriw kunnafoniw sor Zuwenkalo boko in kono. Ka da baara n'a taabolo kan, o ma jesoro. O de kanma an y'o kunnafoniw boloda kokura zuluyekalo boko kono, san 2002 nan.

Koloni "World Vision" ADP nema Poli Kulubali ka nininkali jaabi

Jatemine na, jenogonya min be jekabaara ni "World Vision" ce, o be ka yiriwa ka t'a fe. Ani an y'a kolosi ko nafaba b'a la. Ka d'a kan, maa o maa be kunnafoni seben in kalan, olu bee be kunnafoni caman soro min be boli "World Vision" ka baaraw taabolo kan. O ye sababu numan ye min be "World Vision" ka baara kelenw kofo maa caman ye, ka "World Vision" yere lafasa a ka walew la.

Fen min ye Jekabaara kunnafoniseben kono ye, yoro min be "Sigida n'a lamini" kunnafoni lase, n'a tun be ben aw ka kuma "World Vision" ka wale dow kan o la. Ka d'a kan, n'i y'a laje ji nemajolen na, "World Vision" ka baara fanba be nesin sigidaw de ma. O siratige la, o maaw de ka kan ka kunnafoni ka ne o baaraw kunkan.

Fen min ye Koloni ADP walawalanni ye, ale ye "World Vision" poroze bolofara e min be Kucala mara la, n'a be wele ko Koloni ADP. A sigilen be Kunana kubeda koro faaba la Kucala ni kejeka ce. A be baara ke dugumisen 30 kono minnu

tila-tilalen be ka ke komini 6 ye, min jama hake ye maa 30 702 ye ninan san kono, Koloni ADP ka baara fanba nesinnen be jenogonya sinsinni ma poroze ni kominiw ni pogon ce. O hukumu kono, kalanko, kenyako, dunkafa sabatili walew, ani ka feerew tige walasa komininw yiriwali-baaraw be se ka sabati. O kow bee be waleya pogon kunnafoni ani pogonfaamu senfe.

Laadilikan : laadilikan kerkenkerennen min be ne fe ka lase

an jenogonya ma, o te dowerye, an ka fadenya ni kelemisew dabila, k'an bolo di pogon ma walasa kunkorota ni ben ani pogonfaamu ka soro an ka jenogonya kono. An ka don ko deme ye Waatininkunkurunni ye. O la sa, an k'an fanga fara pogon kan walasa k'o waati ke kunnawolo ye an denw n'an komogow bolo.

**Poli Kulibali Koloni ADP nema
Min sigilen be Ntognaso
Kucala mara la.**



Ka bo Woloni

Ka bo Modibo Danbele yoro Woloni Fani komini na. Ne Modibo Danbele nisondiyalen be nin bataki ci Jekabaara nemaayaso la, ka n ka kunnafoni da a tulo kan. Kerkenkerennenya la, anw ni World Wision ka baara pogonya kunnafoni. Anw ye karamogoyakalan min ke World Wision ka yamaruya




kono, o kera fen ye anw ma dan foyi soro nin na, ka d'a kan, a kera sababu numan ye anw bee lajelen ma. Nka halibi, n b'a nini World Wision fe a ka barika don a ka balikukalanko la ka taa a fe. Anw ka karamogokalan senfe, World Wision y'an deme ni gafew ni farasu ye, ka tila ka balo d'an ma. O hukumu kono, ne Modibo Danbele be foli ni barikada ke ka nesin World Wision baarakela ce ni muso bee lajelen ma. Sabu an ye karamogokalan min ke, a taabolo nena kosebe, ka d'a kan, kalandenw bee ye faamuya soro kalan in senfe, sabu an be don min na i n'a fo bi, anw ye nafa caman soro World Wision ka balikukalanko la. Ka d'a kan anw be se k'an hakilinaw bee seben an ka kan na. O temenen ko, World Wision ye deme don anw ka dugumusow ma n'u degeli ye safunedilan ma. U b'o dilan k'o ne kosebe. N ka hali bi, an b'a nini World Wision fe a ka do fara a ka balikukalanko taabolo kan walasa anw be se ka douniya caman soro ka jamana yiriwali-baaraw ke, soro ka sabati.

Kunnafoni kunce la, n be Wolonika ce ni musow bee lajelen fo. Kerkenkerennenya la, Woloni balikukalanden ce ni muso bee.

**Modibo Danbele
ka bo Woloni**

Songo te kene ya la

Adaden bës ka ni ni fari-kolo kene man de ye. O koson, maa bë ko o ko la, i ka haminanko föl ka kan ka ke i farikolo ladonni de ye. Fen o fen



bëna ni kasaara ye i farikolo ma, i k'i yëre yoro janya o la; Farikolo ladonni bë teme sira caman fë, minnu kologirin y'a tangali ye ka bo banajuguw ma. O de kanma a bë fo ko songo te kene ya la. "O farikolo tangali banaw ma", o te doweré ye yëremine kó ka bo wale bës ma, minnu bë se ka dankari kene ya la. An dun bë waati minnu na i ko bi, Sida bana kelen bë sanbalanjé ye banaw ce ro taabolo si ma soro min kubenni na föl, kuma t'a furakeli ma.

Sida b'an ka adamadenya lakari. Sida b'an danbe tige. Awa Sida bë kulusijalako maloya birifini de fënsen a tigilamaaw kan.

Nka, an ka kelen fo jogon ye dëre ! Sida bë soro kafonogonya de temesira fë. Nka Sidabanabaato bës m'u ka bana

soro kulusijala foni kojuguya sira fë. Aw m'a ye : tiga toli kelen de bë tigaboré kelen tiga kuuru silatijé. O bë cogo min na, maa kelen sidato b'o cogo la sigida kono ni janto ma k'a ko la. Tige don, sidato y'an dë ye, an te negin a la. Awa dumuni keli njogonfë, jifilen kelen labaarali njogonfë ; ka si dilan kelen kan ani k'i jocsi njogon ka serebeti la koli kofé, nin si te Sida yelema, k'a to sidato la ka maa wëre lasoro. Fen fila dörönpe de ye Sida temsiraw ye : "cénimusoya ani joli-lase-njogon-ma". O

labaaralen koro keli la an makow ye. Sida ye banajugu ye min b'an farikolo n'an ka adamadenya lagosi.

Awa, Sida nöfbanaw fana de bë maa danbe tenten a nëma lagosi teme në misen na : sogo-sogoninje ; sumayaw.

Nin folen bës la dankoroba bë yen, min bë maa jigelamisenya sidako la haali : o ye sidato jigelatigeli ye saya telin ma lagosi kono, ka d'a kan fura te Sida la.. O yëre de kanma kumadonsow k'a ma ko "Sibanbana" ; "Bana laban" ;



Farikolo kene man de bë baara kologirin ke

b'a jira k'an kelen kó k'an kokejogonw silatomo cénimusoya siratege la, k'an ka kan fana k'an yëre yoro janya ka bo maa wëre ka lamu, sirife, pikiribijé ; jolitafen

"Kaburu sira mineni bana".

N balimaw, caman fôra Sidako in kan sa dëre. An t'a to sa wala-sa an na mœn to kan !

Bugari Fôrba, ka bo Fana


Cikelaw ka yiriwa taabolo.

Nin ye feerew ye naan ye min soro an balimake Ali Jalo ka hakilinadi kan. Ale ye bankiko tigilamogo ye BDM-SA la Bamako.

"N balimake Tumani Yalam

Sidibe, n be foli k'i ye. Ne ka miiri la, ni cikelaw ma bo nogoo la jamana min kono, o jamana te bo nogoo la. Jamana si te se ka yiriwa ka soro mogo danmadonin doren be soro ke ka jama fanba to yen. Jamanaba caman be yen bi, i n'a fo lameriken jamana, minnu ka taajne jubora sene de la. Jamana bee ka taajne be dunkafa de bolo, o bolen ko yen, ka do mara ani k'o laban bayelemani na.

Fen min ye senefenw bayelemani ijiniw ye, o be jamana nemaaw de bolo. N'an ye jatemine ke sisun ma, si ye nafolomafen de ye. Jamana caman be ka si bila kakawo nona "sokolako" la. Nk'an



Ali Jalo

ka nemaaw ye si bayelema izini dilan, a ko ma taa ne (n'o tun ye Sika-Mali ye). An bara yan, musow de b'u ka baara ke sikolopini ye, k'a susu u bolo la, k'a feere. U te tono jenama soro a la. Nka, n'a tun y'a soro si bayelema iziniw b'an fe yan, musow tun ka nafa soroa be sankorota a la a nema.

N'an ye daaw, ni tiga, ni senefen werew ta, n'u dabali iziniw t'an bolo, f'an b'an ta k'u sanni ye k'u feere kukan, an ka nafa be dogoya a la kosebe. Barisa minnu b'u san an bolo kukan, olu de sako b'u ka sanda la. N'an dun y'a jatemine, an b'a ye k'an ka senefenw sanbagaw b'an ka songow jaasi de an bolo kofe. Awa, hali o warinin min be soro an bolo, an be tila k'o bee lasegin u ma n'u ka fen dilannenw sanni ye, u be minnu d'an ma dagelenw la. A ka kan jamana ka feerew tige, minnu b'a to senekelaw ka soro tena ben u ka dumuniko gansan ma. N'i y'a jatemine, tiga b'an ka nafaladon senefenw la. O tiga ka kan ka se ka bayelema an fe yan k'a ke tulu ye. Tigadeg-

dilan-iziniw yere be se ka k'an bara yan, an ka jamanakonomaaw yere be min san dumuni kanma. Walima an k'a bayelemanen ta ka t'a feere kukan. An be tono min soro tiga bayelemanen kukanfeere la, an t'o soro kise gansan kukanfeere la.

N'i ye cikelaw ka soro taasira jatemin, i b'a ye k'o ye kalo saba, walima kalo naaniko ye san kono. O kalo naani soro ka kan ka san kalo 12 musaka lase u ma. O ye kogelen ye. O b'a jira ko sene kofe, cikelaw ka kan ka baara werew ke san kalo tow la, i n'a fo bagannatu; ; nakosene. Bolodansenkan waati man kan ka soro cikela ka waati la, i n'a fo a te forobabaarakela ta la cogo min, ani kenyereyetigila-maaw.

Fen min ye jiriforoko ye, an ka cikelaw ka kan k'u sebe don o fana ma. O jiriw la, sisun n'a joyero don. An k'an ka forokonosisunw hake caya ani k'u lakana. Hali sisun foro be se ka bo. An y'a ye sanfe k'a

Iadonko juman nafa ka bon, i n'a fo koori, ni tiga ani daa n'u nogonna caman werew.

"K'an ben boko nata"

Ali Jalo "BDM-SA)
baarakela Bamako

CMDT | Kunnation.it

Seku Kane ko di ka bo Bla CMDT cikekafo kono?

An ni Bla cikekafokuntigi tila-len barosen na, an ye kuma ta ka nesin a ka dankan ma, n'o y'an balimake Seku Kane ye. Hali n'ale ni Fatogoma Trawerele bee ka kuma taara sira kelen fe, a kafisa aw k'a fana faamu, barisa tiga ni tiganinkurun bee ye tiga ye nka woredi ni foolili b'u bo nogon ma.

Seku Kane ko di ?

Ne togo ye Seku Kane. Ne de ye Bla sekereteri tekniki ye. Cikekafokuntigi ka dankan de ye n ye.

N be se ka do fo koori taabolo kan an ka cikekafo kono. O taabolo

felo ye sannifeere ye. An b'o la sisan. An nimisiwara dooni o sannifeere la. An be bi-bi min na, toni ba 14 ani toni 886 ani kilo 761 de sannen be an fe. O b'a jira ko koori sanbali to min be yen, o be se toni 10 nogon ma. O b'a jira fana ko ni faamaw y'an deme, an be se ka koori to bee san ka ban sanni kalo in ka sa (san 2002 awirilikalo).

Fen min ye koori laseli y'a wurusiliyoro la, an ye caman k'o la. Bi bi in na, toni ba 19 ani toni 70 ani kilo 400 ni kilo 40 de be iziniw (wurusiliyoro) la sisan. O b'a jira k'an to y'o baara la toni ba 5 ani toni 632 ye.

An ka lajini ye an ka se k'o baara ke ka ban yanni awirilikalo tile 30 ce. Fen min ye koori siratige ye hali bi, geleya dow b'an kan. O b'an ni senekelaw ce. O be boli koori kaliteko kan. An y'a kolsi koori minnu be ka bila ka taa wurusiliyoro la sisan, ko kalite filan na be ka soro olu la. O dun bena ni koori taabolo bee ka bin de ye. Barisa o koori masina te wari soro jamana kukan. Goferenama dun y'a yamaruya jinan ko senekelaw k'u yere ka koori kalitew segeseg. Senekelaw bee dun be k'u ka kooriw ke kalite felo ye. O ye geleya

lase an ma. Olu b'a ke kalite fojo ye. N'o koori sera iziniw la, a be ke kalite finanan ye. A dun be sara u ye kalite fojo wari de la. O la, fo senekelaw yere ka da nogon na, ka son nogon ta ma, ka baara ke tine lakika kan. N'o te, kalite filananko koni kelen be k'an bec kamanagan nin waati in na.

O gelyea fojo bolen ko yen, gelyea were be yen. Awe dow be koori bo ka soro a ma fu ye. Fen bee dun ye porogaramuko de ye. Koori be taa wurusilikoyorla. O dun be se ka koorihake do de ta tile 10 o tile 10. An bo de seben k'o ci

o wurusiliyorla ma. Ni maa min dun y'a ka koori labo ka soro a ma fo a ye, o be baara gelyea an bolo haali. O koori be nogorla yanni an ka celi ka s'a ma. Ka bi an ye koori kalite lakodon, an sera a buduguw ma k'a fu ye k'u ka kalite fojo talen caman kera filanan ye. U yere sonn'a ma. Fen min ye koori nogolen tow ye, minnu tun be koori cebali cer, u y'olu ke nogon kan u danma, k'u bo koori numan na. O kelen kofe, kalite filanan beret ma ye belen o sugu la. N'an koni ladonnayara a min na joona, an bo duguw ka nemogow ta an bolo, ka

taa sigikafé ke ni dugumogow ye, o gelyea be dan ko.

San bee n'a cogoya de don. Fojo CMDT yere de tun be koori kalite segesegé wurusiliyorla. Koori wari tun be sara a bolen ko segesegeli keyorla de la. Nka, ninan, o ma y'a la. A foja ko ni senekelaw yere ye min ke kalite fojo ye, ko k'o san o wari la. N'u ye min ke filanan ye, o ka san filanan wari la. Bee dun b'a don ko maa kelen te se ka ke kiiritigela y'a yere kan, i n'a fo tubabuw b'a fo cogo min. Fo nogonnafaamuyali de ka ke o yero la.

Sikowu (SYCOV) lahala be cogo di Bla cikekafo kono ?

nininkali :

N balimake Madani Kulibali, e de ye Sikowu ka lasigiden nemaaba ye Bla CMDT ka cikemara kono. Nininkali siratge la, an b'a fe k'a don Sikowu ni CMDT (Bla)césira be di aw bara yan ?

- jaabi :

N balimake i ka nininkali ye n nisondiya. Ne de ye Madani Kulibali ye, Bla cikekafo Sikowu peresidan. Ne de ye Mali jamana



Madani Kulibali

kunda Sikowu segesegelijekulu peresidan ye fana. N be do fi ye anw ni CMDT cesiraw kan Bla yan. Baarakelognonya de be anw ni nogon ce yan. O baarakelognonya ye mun ye ? CMDT sigilen don koorisene yirivali de kanma. CMDT dun ni cikelaw de be baara ke nogon fe. Fojo "Awe" kelen-kelenna bee tun be kuma a yere ye ni kunkolako y'a soro. Nka, ka bi an ye Sendika sigi sen kan, o gelyaw nogoyara. An ni CMDT de be je ka baara ke netaabaara hakilinaw kuntilenna fe. Gelyea si dun t'anw ni CMDT ce o netaa sira kan Bla yan bi bi in na. An ni CMDT be je ka senekelaw ka netasiraw boloda nogon fe, ani k'u waleya nogon fe. Ni CMDT filila baara taasira fe anw b'a fo ; n'anw fana filila, anw minnu ye cikelaw ka nemogow ye, CMDT b'a fo. Hali ni filiw kera Awew kono na, an be je k'olu fo. An ni CMDT be je ka fura nini gelyaw bee la, minnu be cikelaw kunkan. Anw fe, gelyea si te CMDT ni Sikowu ce baarakelognonya la.

N'o bora yen, fen min ye kanpani kono na ye, an ni CMDT be je ka tiletan nogonyew (dekadi) ke nogon fe, ka koori sanni n'a donini boloda, ani k'a waleya nogonfe.

Fen min ye koori kaliteko gelyea sorojenw ye ninan, o baa raw ma ke an ninema. An bee jera k'a fo "etazenero (sigikaféba) senfe, ko cikelaw yere ni awew de b'u ka koori kalite segesegé ninan. Fojo, Nci ni Nzani ta tun te don ka bo nogon na. Dugu koori bee de tun be fara nogon kan, k'a lase wurusilikoyorla la. Numankela ni jugumankela tun te don ka bo nogon na. O de y'a to ben ker'a kan ko koori kaliteko segesegeli ka ke awew yere kono. Awew nemaaw yere de be segesegeli in ke. Baara yere be sifilebolo de kan ninan. N'a keko nena, a be to senna tan. N'a dun keko ma ne, kecogo were be nini a la min ni Awew ta te kelen ye. Ka keje n'o yero ye, i n'a fo CMDT nemaaw y'a fo cogo min na, an ye gelyaw soroji damine baara in taabolo la. Awe caman be yen minnu tu ka


segesegeli k'a kecogo lakika la. Folo ni filanan, u b'a b'ee ke kalite folo ye. An y'o gelleyaw soró Awe danmadów kónó. Nka, i komi kanpani ma ban folo walasa an k'o gelleyaw kemetilada sanga salonta ma, an b'an jo folo. Nka jöréranko min b'an na, o de ye ko folo bin tun be cikelaw de kun. A tun te sara. Nka ninanta bin be koori taabolo de kun. A kera cogo o cogo a be sara kalite folo da la. O dun ye gelleya ye min be se b'ee lajelen ma. An jera ka koori kalite filanan sugandiko jugu gelleyaw faamuyaw di cikelaw ma Awew kónona na.

F'en min ye "APC" ni Aweko ye, n be se ka min fo o kan, o ye nin ye. Cikelaw ka labenjekuluko

daminena ni
Aweko de ye
Nka, an be don
min na i ko bi,
gelleyaw ye /oni
damine Awew
kónó. An tun be
dugu kelen
mumé fara
nogon kan, k'o
ke awe kelen



**Madamu S.
Berinadeti
Sagala**



**Fatogoman Trawele Bla
cikafokuntigi**

ye, walasa k'u ka baaraw n'u ka netaa nogoya. Nk'an be don min na i ko bi, gelleya be mogow ni nogon ce duguw kónó. An ye gelleyaba soroli damine jamakuluba farali la nogon kan, k'a ke kulu kelen ye. An ni CMDT y'an hakiliw jagabo nogonfe o siratege la. O senfe a yera ko jamana sariya t'a wajibya belen i ka jamakuluba fara nogon kan ton kelen kónó. A

jirala ko ni cikela mogo 10, minnu ka koori sorota be se toni 30 ma, walima o ni san ce, k'olu be se ka je ka ke ton ye. Olu be be se ka k'u danma koribaarakulu ye min ni Awe te kelen ye, n'an b'o wele ko APC. APC ye hakili kura talen de ye ka jesin koribaara jekuluw ma. Nka, APC te dilan ni sariya te. A sigili wajibiyalen don ka yamaruya sariyaseben kónó. O la, n'i tora Aweya fana na, a wajibiyalen don Awe fana ka don sariya kónó. O b'a to tijeni minnu be ke Awe kónó, ani tijeni minnu be ke APC kónó, nónoya be don o tijeniy la. Walasa cikelaw ni nogon ce mankanw ka ban, a wajibiyalen don u ka ke kulu ye ka ben u ka baaraw n'u ka nafaw kuntilenna ma.

Kolsili :

Nin baroda kelen in kónó, Madani kulibali da sera cikelaw togola sendikaw cayali gelleyaw ma. Nka, nogoya be ka don olu la sisan ka masoró kumañgonyaw ani baarançgonyaw b'u ni nogon ce, cikelaw ka nafa kanma.

Aw ye zuluyekalo boko mamine

Zuluyekalo boko kónó, aw bena kunnafoni nafamaw soró World Wision kan. O kanma, aw y'a mamine. Aw jekabaara kalanbagaw b'ee b'a dón ko World Wision ye netaa yiriwa cakedaba ye an ka togodalamaaw ka bongola kanma World Wision kunnafoniw ni kunnafoniw, ni kunnafoni nafama wérèw kanma, a ye boko nata mamine.

Jekabaara
 Labolikuntigi ni Sébenjekulu kuntigi
 Tumani Yalam Sidibe
 Sébenjekulu
 Yusufu Fane
 Usmani N Tarawele (CMDT)
 Yusufu So (CMDT)
 Mamadu Kone (CMDT)
 Tumani Yalam Sidibe
 Demenogon
 Fanta Kulubali
 Idirisa Setigi Sako
 Bonifasi Danbele
 Negénw kebaga
 Yakuba Jara ko Kayi
 Labenbaga ordinateri la
 Worokiyatu So
 Baaraké nogon
 CMDT-World Wision-
 Ofisi Nizeri-Ofisi iri-OHVN
 Hake bota 11000
 Batakisira : 2043
 Negejurusira : 29 62 89
 Jamana baarada-Séki zayedti togola
 sira-Hamudalayi kin -Bamako